

道門科範大全集卷五十三之五十四

啓四

道門科範大全集卷之五十三

五十四同卷

啓四

廣成先生杜光庭刪定

南北二斗同醮儀

設醮行道

法事陞壇如式

各禮師存念如法

宣衛靈呪

五星列照煥明五方  
水星却災木德致昌  
熒惑消禍太白辟兵  
鎮星四據家國利亨  
名刊玉簡字錄帝房  
乘颺散景飛騰太空

出入冥無遊宴十方五雲浮蓋招神攝風  
役使萬靈上衛仙翁和與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧

啓四

香驛龍騎吏侍香金童傳言散花玉女五帝  
直符直日香官合三十六人出出者嚴裝顯  
服冠帶垂纓關啓玄壇土地方域神真臣今  
設醮行道謹奉爲入意其諸誠悃已錄告聞  
願得



太上十方正真道炁靈寶瑞光下降流入臣  
身中令臣所啓速達徑御

至真無極大道

昊天玉皇上帝御前

請稱法位

具位臣某與闔壇衆官等謹同誠上啓

虛无自然元始天尊太上大道君太上老君

昊天玉皇上帝九皇上真十方已得道大聖

衆至真諸君丈人三十六部尊經玄中大法

師圓穹玄象日月星辰北斗尊帝七元輔弼

星君南極大帝丈人司馬六司星君本命元  
辰洞天海嶽三界官屬一切真靈臣伏聞上  
極無上大羅彌覆於諸天玄之又玄洪造實  
根於元氣麗三辰而垂象尊紫極以御圖四  
布于方七政網維於南斗西揭之柄九元喉  
舌於上天仰幹乾樞俯包地紀經傳玉局稱  
兩極之同科史驗銅儀觀周天之有度凡圓  
首方趾之肖像皆南离北坎之降神敢不皈  
依冀回恩貺奉道某冥心壇靖凝睇經躔潔  
荷羞乳饌之蒸淪火棗雲腴之薦九微騰焰



百末飛煙有嚴秩秩之筵佇降飄飄之駕伏  
願九扇洞開於閭闔十方悉下於輪輿鶴蓋  
成陰扈和鑾而有節霓旌啓道森儀仗以無  
譁俯臨圭潔之場曲副翹勤之請臣與黜官  
闔壇衆等不任激切延請之至誠惶誠恐稽

首再拜奉迎  
聖駕

降真 獻茶 初獻 散花

具位臣某虔誠上啓

九清上聖十極高真北斗尊帝七元輔弼星

君斗中真宰臣聞元氣無形斗杓於焉斟酌

周天有度玉衡所以斡旋建四時而成歲功  
均五材而握民命六度下降自天子而達庶  
人一年運行起漢津而終營室有尊帝以主  
仙道建輔弼而佐斗功刑德生殺之相參官

啓四

三

祿壽富之攸繫虛心以存則可禦邪而敵害  
按法而步端能招真以致仙巍巍神功紀贊  
莫盡奉道其託迹光明之下偷安臨照之中  
清夜沈寥仰光芒而肅敬浮生膠擾於香火  
之缺違致於欲壽而康遇災知懼許亟伸於



醮告爰恭啓於壇儀敬按金科輒伸懇請臣  
既承詞悃敢不上聞

宣詞

按如詞言丹誠懇切諒徹九重之聽不違片  
善之微若弟子某等身宮滯塞氣本休囚憂  
致冤於陰陽欲全生於覆載者請貪狼太星  
君爲保護之若命元羈蹇星度刑妨欲去危  
而即安求轉禍而爲福者請巨門元星君爲  
消解之若彈冠願仕干祿代耕問官海之要  
津躡天朝之華貫者請祿存真星君爲遷達



之若福基不厚產殖未饒於義利之交興願  
富仁之兼美者請文曲紐星君爲增注之若  
行全儒素藝絕詞華期志在宗高之美得身  
膺寵擢之榮者請廉貞綱星君顯佑之若順  
考壽曆欲致耆年圖安以遺後昆好德而全  
五福者請武曲紀星君爲延益之若嗣息未  
蕃室室難思保松蘿之固更延瓜瓞之綿  
者請破軍關星君爲全護之乞使其等志願  
感通真靈降接萬願咸遂衆善興修臣與闔  
壇衆等不任所請之至再誦大聖北斗都管

吉祥呪曰北斗九晨天中大聖上朝金闕下  
覆崑崙調理網紀統制乾坤大魁貪狼巨門  
祿存文曲廉貞武曲破軍高上玉皇紫微帝  
君大周天界細入微塵何災不滅何福不臻  
元皇正炁來合我身天罡所指晝夜長輪俗  
啓四  
居小人好道求寧願見尊儀永保長生三台  
虛精六溥曲生生我養我護我身形臣等稽  
首致恭謹陳亞獻

散花

具位臣某謹虔誠上啓



九清至尊十方上聖南斗大帝丈人司馬六  
司星君斗中真宰臣聞日宮至陽之精發軔  
於左界南斗列星之紀宣精於河源謂準日  
以生成雖稱南而在北漢津黼黻專賢良命  
祿之司曆象樞機主將相府庭之事運會而  
靈圖正盛明則君道興倬爲躔度之元寔主  
生民之命傾心以請無願不從奉道某等徒  
聞挹酒之言難接乘槎之武仰觀分野南北  
迷方俯建壇場坎離定位薦苾芬於縟坐佇  
盼蠻於煙霄有災有患之禳除延福延生之



迂續奉道其若命元譎薄祿氣單微者請天  
府司命君爲增益之若黑錄著名青宮削籍  
者請天相司錄君爲回改之若壽曆不修世  
途多梗者請天梁延壽君爲延祐之若衛生  
乖和布筭有限者請天同益筭保生君爲保

啓四

五

全之若厄難相凌魂神不守者請天樞度厄  
鍊魂君爲禳鎮之若生意蕭條事機糾逆者  
請天機上生君爲啓迪之即使奉道其對服  
寵靈導迎休證百祥紛委衆惡伏藏式昭感  
應之仁少付傾虔之請巨與衆等不任懇禱

之至誦大聖南斗六星天紀延壽頌曰南斗  
六星天中宰臣上參元化七政攸遵下主揚  
州吳越斯分司命司錄將相儲精天梁天同  
壽筭司明樞機之宿上天府庭津梁雲漢綱  
紀乾文光耀明瑩君道清平掌理爵祿褒進  
臣鄰助天體道利物安人去留災福延促年  
齡傾心求請無願不成魂神澄正壽命增新  
光靈所被永享利貝弟子某命願得長生臣  
等稽首再拜致恭謹陳終獻

散花



獻棗湯

具位臣某謹虔誠上啓

九清十極三景諸真北斗七元南宮六紀元  
辰本命海嶽洞天地水陰靈虛空主宰三界  
應感一切真靈臣等輒冒瀆天之罪如陳類

帝之壇玉局暫扶衆真侍座寶珠將入三獻  
畢陳龍鶴天仙促返玉京之駕鳥龜雲篆將  
騰青札之煙恐乖俯仰之儀自速幽明之譴  
睇回鑾而結戀負芒棘以消愆願賜哀憐特  
加寬貸一天星曜還次舍以有常三界仙班



返玄靈而無迹神交如在目送何從惟知晨  
夜之仰瞻庶表初終之皈奉臣與闔壇衆等  
不任依慕激切之至誠惶誠恐稽首再拜以  
聞

十二願

啓四

復爐

六

謹攝香官使者左右龍虎君侍香諸靈官當  
令臣向來啓壇行道之所自然生金液丹碧  
芝英百靈衆真交會在此香火爐前當願十  
方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之五十三

道門科範大全集卷之五十四

廣成先生杜光庭刪定

南北二斗同醮寶燈儀

靜夜行道

法事陞壇如式

念靜天地呪 洒水

具位臣某等謹虔誠上啓

虛無自然元始天尊太上大道君太上老君  
昊天玉皇上帝九皇上真十方已得道大聖  
衆至真諸君丈人三十六部尊經玄中大法

啓四

七

師圓穹玄象日月星辰北斗尊帝七元輔弼  
星君南極大帝丈人司馬六司星君本命元  
辰洞天海嶽三界官屬一切真靈俯降燈壇  
證明虔禱謹奉爲宣意其諸情悃已對敷宣  
以今闕祝星燈請衆誦天尊聖號爲某等合



門眷屬解災解厄延福延生稽首皈依虔誠  
讚詠

信禮無上大羅天星主紫微大帝

臣衆等至心皈依命樞宮大聖貪狼陽明真  
皇君斗中神仙和諸靈官

伏聞飛晨合景樞星掌劫會之權司政糾非  
陽明主璇璣之運上宰九天之化中監五嶽  
之靈下總人倫傍分品類定死生之有命鑒  
善惡以無私以今某恭款芻心虔依妙範至  
心皈依命樞宮大聖貪狼陽明真皇君伏願回

光啓曜垂淵鑒於玄壇增祿延年注生名於  
青簡稽首皈依虔誠讚詠

信禮高上紫微垣北斗第一貪狼星君

貪狼延生 回真四靈流輝下映 洞達玄冥  
七元紀籍名列紫庭 保身續壽永亨利貞

耳目開爽 魂魄長寧和願得長生

臣衆等至心皈依命璇宮大聖巨門陰精真  
皇君斗中神仙和諸靈官

伏聞星有五門俠三光而遠映門開四照合  
萬氣以騰輝校天府之昇遷主兆民之祿壽



委質難逃於淵鑒通津寔類於明梁以今某  
歲事瑤壇馳誠金闕至心皈命旋宮大聖巨  
門陰精真皇君伏願身度千災命延百福天  
開神宇氣襲真源碧簡題名固長年於劫石  
丹臺紀籍增上筭於靈椿稽首皈依虔誠讚

啓四

八

詠

信禮高上紫微垣北斗第二巨門星君

巨門延命元靈散陳丹田通暢運合仙真  
七元定籍名列紫文護身注壽福慶維新  
辟除妖惡善瑞日臻去來無礙與神同倫



延命自然 上升玉宸和願得長生

臣衆等至心皈命璣宮大聖祿存真人真  
皇君斗中神仙和諸靈官

伏聞偃息華蓋徒知空步之名潜洞太虛莫  
測飛身之妙八景九天之上道契青籙以通  
真五嶽四瀆之高仙隸黃臺而受事矧茲下  
士實仰餘光以今某潔已齋盟法爲壇墀至  
心皈命璣宮大聖祿存真人真皇君伏願慶  
叶遐年福資浩劫三千萬之甲子地久天長  
一十二之靈門陽開陰閉脩閑白日嚙味冲

和稽首皈依虔誠讚詠

信禮高上紫微垣北斗第三祿存星君

北斗度厄高仙上靈流輝遍照內外肅清

七元錄籍名列紫庭扶身延壽祿位長亨

臟腑開朗動止咸寧光運合景與神同榮

啓四

度厄自然上升玉京和願得長生

九

臣衆等至心皈依命權宮大聖文曲玄冥真

皇君斗中神仙和諸靈官

伏聞星主玄冥位司游擊隱微潛耀領北斗

之三宮福善禍淫攝黑靈之五炁或殄除凶



勃飛火甲於六天或剪馘不祥耀朱兵於四  
鄙凡居動植皆自生成以今其嚴潔壇場肅  
清塵垢至心皈命權宮大聖文曲玄冥真皇  
君伏願削罪除愆落九陰之鬼錄拘魂制魄  
得七返之仙方行藏無非橫之虞視息合太  
和之慶承資上善永叶殊祥稽首皈依虔誠  
讚詠

信禮高上紫微垣北斗第四文曲星君

北斗消災 玄黃開陽 仙靈隱現 朗徹十方  
七元掌籍 名列紫房 衛身益壽 長啓福祥



明真降祐 滌蕩凶殃 華精烝結 與神同鄉  
消災自然 上升玉堂 和願得長生

臣衆等至心皈命衡宮大聖廉貞丹元真  
皇君斗中神仙和諸靈官

伏聞杳靄崑臺之上 交映七門隱芒金蓋之  
輝 潛通二景絳木結素華之寶瓊津凝冶煉  
之膏 校錄上真統攝鬼神之部 提綱下學權  
輿生死之機 以今某澡雪靈襟 遵承科簡 至  
心皈命衡宮大聖廉貞丹元真皇君 伏願善  
履三光 削三災於短景 順迎五運 植五福於

深根稽首皈依虔誠讚詠

信禮高上紫微垣北斗第五廉貞星君

北斗扶衰真宗降靈流霞散敷仙仗交盈

七元典籍名列紫營固身養壽慶合運并

高玄接引優游五明駕景飛翔與神同靈

啓四

扶衰自然上升玉庭和願得長生

臣衆等至心皈依命闈陽宮大聖武曲北極

真皇君斗中神仙和諸靈官

伏聞玉樓炳景隱飛華辰極之星瓊簡燦文

紀迴度空常之道定法輪之階級考志學之



功勤飛芒耀於八門無幽不燭擲流金於萬  
里有礙皆通以今其委迹塵寰宅心道域至  
心皈命闔陽宮大聖武曲北極真皇君伏願  
一念關陞萬靈序佑瀉明河於碧漢克注遐  
年聳巨嶽於瑤穹永躋上壽稽首皈依虔誠

讚詠

信禮高上紫微垣北斗第六武曲星君

武曲散禍玄映禦空威靈備守妖邪絕蹤  
七元注籍名列紫彤榮身增壽享福無窮  
仙官扶衛步躡雲中真炁降集與神同聰



散禍自然 上升玉宮和願得長生

臣衆等志心皈命瑤光宮大聖破軍天關  
真皇君斗中神仙和諸靈官

伏聞天迴地轉瑤光推空洞之輪斗建星躔  
靈皇紀運行之度位尊上帝威制羣魔正氣

啟四

十一

所臨萬物遂生成之性飛網所指百邪無逃  
遁之形以今某滌垢舒壇披誠奉教至心皈  
命瑤光宮大聖破軍天關真皇君伏願道契  
丹臺南上益長生之字罪消幽府北都鐫不  
死之名四序營爲盡叶光華之慶全家視履

咸歸清淨之風稽首皈依虔誠讚詠

信禮高上紫微垣北斗第七破軍星君

破軍益筭明霞散敷流光普浹真炁潛扶  
七元度籍名刊紫書治身添壽常處歡娛  
飛仙蹈舞遊宴玄都徹視表裏與神同居  
益筭自然上升玉虛和願得長生

臣衆等至心皈命南斗第一天府司命上  
相鎮國真君斗中神仙和諸靈官

伏聞天賦羣靈均有自然之命人懷大本咸  
歸皇極之尊欽之者福所由生敗之者禍因



而起允爲宰制實在司存儻有祈禳宜修誠  
懇以今某洗心滌慮養氣存神夙懷嚮道之  
心仰畏在天之象至心皈命南斗第一天府  
司命上相鎮國真君伏願天聽其衷咸迪長  
生之道人膺永命悉無短折之凶稽首皈依

虔誠讚詠

信禮高上太微垣南斗第一鎮國真君

稽首南辰 第一之星 號曰司命 實掌命根  
今有弟子 立壇告星 上奏天司 仰投化鈞  
惟天上相 鎮國主兵 願賜分光 俯鑒丹誠



續以命元 永保安寧和願得長生

臣衆等至心皈命南斗第二天相司錄上  
將鎮嶽真君斗中神仙和諸靈官

伏聞太微之初道無常體我生之後物有定  
名災祥在德而貴賤同差吉凶由人而賢愚

啓四

十二

靡間眷茲主者賦之自然儻伸祈禱之誠必  
獲昭彰之報以今某正心專意向道歸真仰  
成象之著明仗上靈之佑助至心皈命南斗  
第二天相司錄上將鎮嶽真君伏願恢洪上  
道默收糾察之威普度生靈式序修禳之善

稽首皈依虔誠讚詠

信禮高上太微垣南斗第二鎮嶽真君

稽首南辰 第二之星 號曰司錄 實紀生人

今有弟子 燃燈告真 注想丹天 長生之庭

惟天上將 鎮嶽主兵 迂景分光 鑒映翹勤

注名丹籙 永錫年齡 和願得長生

臣衆等至心皈依南斗第三天梁延壽保

命真君斗中神仙和諸靈官

伏聞長生久視乃大道之體常保命延年實

凡情之所欲在天則命固存而不易在人則



生必貴於不傷欲其有延豈無所禱將叩司  
存之職宜修瞻嚮之誠以今某專意志明仰  
天觀象冀真靈而降格俾壽考之增崇至心  
皈命南斗第三天梁延壽保命真君伏願誕  
布至心茂迪綿長之筭鋪張生德永無夭橫  
之虞稽首皈依虔誠讚詠

啓四

十三

信禮高上太微垣南斗第三延壽真君

稽首南辰第三之星號曰延壽主制年齡  
今有弟子象斗延真冥心南極河漢之津  
惟斗天梁濟度羣倫願賜降接得免災迤



續以遐壽介福如春和願得長生

臣衆等至心皈命南斗第四天同益筭保  
生真君斗中神仙和諸靈官

伏聞數肇而存多斯爲美命降而短長乃爲  
祥苟方寸之不欺庶年齡之益久真靈昭格  
精懇是求以今某欲增耆艾之年欽若昭回  
之象道存恍惚響應形聲至心皈命南斗第  
四天同益筭保生真君伏願大慈下濟長如  
春日之生遐筭巨增永若高山之固稽首皈

依虔誠讚詠

信禮高上太微垣南斗第四保生真君

稽首南辰 第四之星 號曰益筭 御炁生神  
今有弟子 醮告仙真 結志南昌 太微之庭  
惟斗天同 壽命所經 願垂矜允 丹錄書名  
介以考年 永保無傾和願得長生

臣衆等至心皈命南斗第五天樞度厄文

昌鍊魂真君斗中神仙和諸靈官

伏聞二炁密移亦有盛衰之理五行迭運豈  
無消息之機彼有勞生豈無厄運真聖既司  
於救度黔黎宜謹於忱恂以今某恐懼飭躬



欽崇觀象誓皈依於大道願受度於真休至  
心皈命南斗第五天樞度厄文昌鍊魂真君  
伏願命資百福潛消不測之虞身度三災常  
保自身之慶稽首皈依虔誠讚詠

信禮高上太微垣南斗第五度厄真君

卷四

十四

稽首南辰第五之星號曰度厄消蕩災迤  
令有弟子招真致靈翹想朱陵文昌之辰  
惟斗天樞開闔化鈞願流道炁制魄拘魂  
賜以長年善業增新和願得長生

臣衆等至心皈命南斗第六天機上生監



簿大理真君斗中神仙和諸靈官

伏聞仙人作德恥一物之不知聖道應時爲  
中心之妙用降衷立命受氣賦形眷掌握於  
生成敢虔恭而請禱以今某齋心嚮道精意  
瞻天仰思長育之恩敢昧祈禳之禮至心皈  
命南斗第六天機上生監簿大理真君伏願  
體乾坤之生德以運權衡保性命以委和咸  
歸道蔭稽首皈依虔誠讚詠

信禮高上太微垣南斗第六上生真君

稽首南辰第六之星 號曰上生掌握天經

今有弟子好道希真皈向离宮星紀之庭  
惟斗天機組織乾文願垂光景庇護身形  
監領簿錄注福延齡和願得長生

誦經

向來朝斗祝燈功德並已周圓伏以道集虛

啓四

十五

而應物運生化以無窮天垂象以示人在吉  
凶而可鑑惟二司之真宰乃萬象之元綱自  
非夙習真源安得今披寶蘊以今醮官其潔  
清塵慮恭命羽流望辰極以舒壇法璇璣而  
建斗瓊鐘逸韻誠通象外之天玉篆凝煙想



見斗中之聖伏冀六司合照美成衆善之因  
七政分輝均賜全家之福然願億曾萬祖遠  
化近亡盡離幽暗之鄉俱入光明之界上窮  
圓蓋下布方輿同沐勝緣齊登  
道岸稽首皈依

無極大道再念星移斗轉天尊長生保命天  
尊不可思議功德

道門科範大全集卷之五十四





